



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Qui episcopi sunt ordinandi, quòd debeant prius examinari. viii.

urn:nbn:de:hbz:466:1-10722

purgandum eum, qui ordinādus est, tres episcopi iam, sed postulētur ad numerum supradictorum si haberi possunt duo, in eadem plebe cui ordinandus est. & discutiantur primō personæ contradicētūm. Postremō etiam illa quæ obiiciuntur, pertractētur. Et cām purgatus fuerit sub cōspectu publico, ita demum ordinetur. Si hoc cum vestræ sanctitatis animo concordat, roboretur vestræ dignatiōis responsione. Ab vniuersis Episcopis dictū est: satis placet.

Quod nolentibus clericis vel populis nemo debeat Episcopus ordinari. Cap. VII.

NVLLVS in iuitis detur Episcopus, cleri, plebis & *Ex decr.* ordinis consensu, & desiderium requiratur. Tunc *Celestini* alter de altera eligatur Ecclesia, si de ciuitatis ipsius clericis, cui est Episcopus ordinādus, nullus dignus, quo deuenire nō credimus, potuerit inueniri. Primum enim illi reprobādi sunt, vt aliqui de alienis Ecclesiis meritō præferantur. Habeat vniquisque suæ fructū militiæ in Ecclesia, in qua suam per omnia officia transfigit ætatem. In aliena stipendia minimè alter obrepat, nec alii debitam alter sibi audeat vendicare mercedem. Sit facultas clericis renitendi, si se viderint prægrauari. Et quos sibi inge ri ex transuerso cognouerint, non timeant refutare, qui si non, debitum præmium, vel liberum de eo qui eos recturus est, debent habere iudicium.

Qui Episcopis sunt ordinandi, quod debeant prius examinari. Cap. VIII.

QVI Episcopus ordinādus est, antea examinetur, si *Ex cōcil.* natura prudēs est, si docibilis, si moribus tēperatus, *Carthā* si vita castus, si sobrius, si semper sui negotii ca- *ginensi,* uens, si humilis, si affabilis, si misericors, si literatus, si in *cap. I.* lege dñi instruetus, si in scripturā sensibus cautus, si in dogmatibus ecclesiasticis exercitatus. Et ante omnia, si fidēi documenta verbis simplicibus adserat, id est, patrē, & filium, & spiritū sanctū, vnum dñm esse cōfirmans. totāmq; in trinitate deitatē, coëssentialē, & cōsubstantialē, & coæternalē, & coomnipotētem prædicans, singulāmq; in trinitate personam plenum Deum, & totas tres personas, vnum Deū. Si incarnationem diuinā non in patre neq; in spiritu sancto factā, sed in filio tantū credat, vt qui erat in

A ij

D. BVRCHARDI EPIS. VVORMAC.

diuinitate Dei patris filius, ipse fieret in homine hominis matris filius: Deus verus ex patre, homo verus ex matre: carnem ex matris visceribus habens, & animam humanam rationalem: simul in eo vtranque naturam, id est, hominis & Dei, persona una, unus filius, unus Christus, unus dominus creaturarum omnium quae sunt, & authorem, & dominum, & creatorem cum patre & spiritu sancto omnium creaturarum. Qui passus sit vera carnis passione, mortuus vera corporis sui morte, surrexit vera carnis suae resurrectione, & vera animae resumptione, in qua veniet iudicare viuos & mortuos. Quarendum etiam ab eo, si noui & veteris testamenti, id est, legis & prophetarum, & apostolorum, unum eundemque credat authorem & dominum. Si diabolus non per conditionem, sed per arbitrium suum factus sit malus. Quarendum etiam ab eo, si credat huius, quam gestamus, & non alterius carnis resurrectionem. Si credit iudicium futurum, & recepturos singulos pro his quae in hac carne gesserunt, vel penas, vel praemia. Si nuptias non improbet. Si secunda matrimonia non condemnet. Si carnium perceptionem non culpet. Si penitentibus reconciliatis communicet. Si in baptismo omnia peccata, id est, tam illud originale contractum, quam illa quae voluntari admissa sunt dimittatur, si extra Ecclesiam catholicam ullus saluetur. Quum in his omnibus examinatus, pleniterque instructus repertus fuerit, tunc ordinetur Episcopus.

Ut Episcopi diligentissime probentur, antequam ordinentur. Caput IX.

Ex cōcil. Aurelia. cap. 12. **V**T Episcopi iudicio Metropolitanorum, & eorum Episcoporum qui circum circa sunt, prouehatur ad ecclesiasticam potestatem, hi videlicet, qui plurimo tempore probantur, tam verbo fidei, quam recte conuersationis exemplo.

Quod populo non liceat per se sacerdotum facere electiones. Cap. X.

Ex cōcil. Bracare. cap. 1. **N**ON liceat populo electione facere per se, eorum qui ad sacerdotium prouocantur, sed in iudicio Episcoporum esse debet, ut ipsi eum, qui ordinandus est, probent, si in sermone & fide, & spirituali vita edocitus sit.